

樊

山

續

集

樊山續集卷十三

恩施樊增祥嘉父

掌綸集

庚子十一月二十四日蒙

恩簡授皖北道次日入謝奉

命暫留行在恭紀二首

除書朝下殿東頭獬豸榮途晚歲收

聖澤深於淮泗水前

明曾是帝王州留臺長史疲張裔逆旅新豐擢馬周千古鳳陽歌舞地好教風俗化刀牛

雙懸日月照華林陳說艱難淚滿襟一任淮陽思汲黯可能幕府少陳琳絲綸陸贄參金管問答胡銓記玉音文字役人三十載老來纔結主知深

實甫以三百金助賑得孔雀翎戲贈

欲答檀施意修翎孔雀豐露臺三倍值煙閣一般功頭腦鸞
鷺好身材燕燕同莫嘲刁短尾翻羨羽重瞳翠奪眉棱月金
飄耳後鳳毛通體鸚鵡頂十分紅披拂雙肩上徘徊五里
中顧瞻驕左右飛翥向南東岸幘高於噲多文毒異嵩花簪
蓬島客玉琢管城公紫霓輕垂線黃綾窄製筒輝生懸肘印
夢繞射屏弓貂珥雙飛拱鵬圖六翮雄文章原錦段官職亦
雕籠芍藥韓祥並蘭若杜句工每煩纖手卸釵索挂瓏璁

石甫兩和前韻賦答二首

山川楚尾接吳頭皖北風煙次第收纔跨牛來見關尹最多
鱗處作監州爲人典記憐任訪畫我粗官要沈周留待春風
理帆楫一廬深雪蟄蝸牛

往日琴觚共竹林入關無改舊風襟爲修眉史來京兆擬借
僧房傍慧琳君擬移寓臥龍寺紫鹿一歌花在口白駒三復玉爲音
未能拋得詩人去情比桃花水更深

再疊前韻贈石甫

錦鸛珠勒曲江頭三輔風雪筆底收輦下繡衣殊暴勝樂中
玉律按伶州璧人傾倒東西晉金葉思量大小周歌詠太平
吾輩事桃林雪跡認歸牛

此才無意入詞林能鯁崢嶸繡雨襟少作流傳如解縉五經
博涉亦臧琳雪中鶴氅翩翩影風裏紅簫嫋嫋音隼戾清言
成久坐蒲團蹠跡印來深

雪中三疊前韻柬笏卿石甫

深炷鑪香慢裹頭玉龍嚴陣夜來收牖明似映初三月坎窞

填平大九州笠屐忽來王訪戴樵蘇不爨閔偕周似聞飛挽
藍關路斛粟民間費十牛

暗香依約動梅林獨鶴徘徊理縞襟樹偃虬龍枝是玉殿高
鵝鵲瓦皆琳萬花翦水驕春色二麥占年報好音小慰兩
宮宵旰意六英呈瑞御簾深

四疊韻促石南和

苦吟臘尾逼春頭硯墨融冰夜不收秦華嶽爭楚衡嶽王揚
州遇宋黃州天心已點梅花醒星紀將同荔實周歲暮無端
相別嬾生慚武子閣東牛

聲實哀然首藝林香鑪峰下舊題襟敢矜才筆先楊炯待把
清詞廣李琳

朱李琳詞佳而少

駕譜漫尋針線迹龍吟常有海潮音

一篇奪得東方錦始識延清用力深

五疊韻寫懷

上章乞外每需頭晚景桑榆信可收爲戀冬花依杜曲欲乘
春水過襄州恩門未捨王炎午世亂將平杜洛周道是今年
送寒早安排尺箠打泥牛

坐擁溫醺傍墨林無勞對客誦冰襟新茶蒙頂包青箬舊硯
端溪割紫琳出世未離鐵門限齋心常禮玉觀音平生坦率
空城府不學東山太傅深

六疊韻和石甫

霜華欲上楚人頭朝蹟多年苦未收大雪何心游洛市九煙
輪指數齊州花開雅稱琴三弄詩就剛行酒一周竹屋青燈
得佳趣從渠呼馬與呼牛

詩名不願詫雞林莊老榮回帶與襟香粉賦才疑宋璟金甌

名字讓崔琳莫將杏比紅梅色難得笙同玉磬音欲續同文
酬唱集舊巢應傍五雲深

七疊韻感事

烽煙暫息海東頭劫急重將敗局收又見葉街置蠻邸欲回
玉壁作勦州貳臣不少陳名夏九死無移黃道周聞說燕郊
春草盡好將戰馬易耕牛

衣冠文武會如林邱貉同歸血染襟併母生埋殊郭巨得人
死力少王琳啣花鹿記唐宮事食甚梟懷魯泮音灑掃鳳城
乾淨土宮車重過淚痕深

八疊韻卽事書懷

五色江花在筆頭餘波綺麗幾時收十年夜雨燈前事萬里
長風斗犬州汲得古書同子晉編成人譜讓宗周關中雁戶

飢於朔可要停車問丙牛

坐聽霜鐘出定林瓶花開落在衣襟
妻孥寫意憐周捨兄弟齊名羨孔琳
瘦鶴待分清吏俸遠鴻時遞故人音
隴頭雪抵黃金價小麥抽心寸許深

臘八日石甫招集臥龍寺食粥以小極不赴九疊前韻
奉柬

早從蕭寺識堂頭佛粥香中雪意收
賜露未沾渴司馬防風須療白江州
桃花作供宜齊鉢杜懷人在道周居士
由來沒交涉從他蠶齧鐵犀牛

王謝招邀過道林酒痕依約在吳襟
白蓮社裏無元亮紫稼樽前少李琳
謂李侍衛琳枝煙火不侵蔬筍供顛風
猶送塔鈴音小眠齋裏黃紬穩銷盡
鑪香一寸深

臘八日

慈聖賜府主粥轉以見貽敬賦誌謝

浴佛嘉辰 壽膳多行宮熬粥似雍和金匱政事堂前賜
玉食宮人手裏過重見梅羹調傳說不忘麥飯進罇沱恩門
十載沾膏馥一寸心涵太液波

去年臘八日王文敏公亦以 雍和宮粥見惠感今追
昔疊韻誌哀

內製珉粥損惠多今如南宋想宣和 天廚蘭橘尋常贈老
屋蓬蒿早晚過君每入他必過余門糙米沙鍋餘哽咽碧梧金井一滂
沱易名董趙慚風節剩有劉郎感尺波

十二月二十二日招同午橋中丞潤夫副都實甫觀察
笏卿比部彥孫仲錫兩太守小集身雲閣卽席有作

德星都傍草堂移老去襟情謝竹絲
置酒東坡生日後上燈
南竺小紅時今田昔海麻姑米始戰終和謝傳棋更煮溪茸
銷夜永明年鎬洛費相思

午公和章久不至疊韻奉柬

爭中別調被風移雪柳垂垂未挂絲
左袵能無微管慮焦頭
重憶徙薪時單方濟世神仙藥一著
先人國手棋此去金梁
兄弟隔定知白馬念陳思

再疊前韻索諸君和

閭閻風中歲琯移昆明劫過髻成絲
河山整頓銷兵後天地
蒼涼欲雪時木葉菴中聊煮酒絳雪樓下莫觀棋
京華文武
衣冠在北望能無痛定思

歲暮卽事三疊前韻

宮羽猶然有換移青藍無定染人絲新春攬入殘年裏舊學
深於漸老時除夕詩篇羅祭品歲朝吉事卜靈棋功名閭閻
如何武畏壘時聞有去思

題石甫魂西集

吳儂衣上酒痕斑纔別皋橋又灞橋唐宋元明諸體具東西
南北四魂銷清歌白下題圓扇餘韻黃州嫋洞簫賴有玉溪
傳彩筆開成人物未蕭條

歲除前一日寶甫借身雲閣治具招同午橋潤夫笏卿
小集四疊前韻

置酒當花席屢移隱囊貼妥倚斑絲琴尊尙似承平日巾服
常如未貴時佳畫幾曾沈寒具高文不用諷圍棋春風又送
梁園別銀爪休彈火不思

庚子除夕五疊前韻

駒光往苒物華移，寶燭如椽照髻絲。消息陰陽爭此夜，

是日警電

至風情筋力似當時。人生願作長圓月，世事真如不定棋。簪笏盡趨行在所，朝元都有舊京思。

歲除日午翁贈鹿一頭作得鹿吟

夜來夢墮芭蕉陰，筮易乃得鹿入林。長繩繫足帖兩耳，一力肩入蓬蒿深。經年游息紫薇省，呦呦日饜苹與芣。朝川兩柴殊未辦，芝草澗泉何處尋。公往大梁非棄汝，留犢放龜風誼古。恰如鸚鵡贈佳人，莫學驕驕思故主。牽來暫就東廂棲，待營柳柵連花籬。縣官莫共春牛打，稚子還同竹馬騎。梅花斑斑雪毛落，漸向人前露頭角。銜花兼受仙佛憐，有尾惟堪王謝捉。我營瓜地青門東，見汝徘徊憶故宮。敵騎蹴殘靈園草，

御藥久乏關東茸爾生何幸居關內雅有青山芳草意秦梭
織作錦中花漢隸鐫成脾上字今夕何夕歲將除東丹寫成
得鹿圖明年夾轂向淮泗琴鶴翩然與汝俱

辛丑元旦早朝

西京行殿鬱崔嵬冉冉香煙雉扇開玉女排雲動環珮黃人
捧日照蓬萊南山紫翠浮霞盞北面金貂拜露臺臣有傳家
忠孝帶憶曾瞻對

顯皇來

忠孝帶爲先子舊物歲
豐八年入覲卽佩此

六疊韻答寶甫時君奉檄督轉運事

春風不送德旌移公退委蛇詠素絲戰守兩難成欵議舊新
兼採際 明時關中轉漕催輸粟湖上登樓記勝棋惆悵廬
山歸未得斗南常切白雲思

檢視去年舊作用早朝韻題後

脆如腰鼓聲聲徹新似園花日日開玉署風流慚易簡金華
學派愛吳萊詩家老境王蠶尾坊本通行李鳳臺不爲幽憂
妨雅抱半生親閱五庚來

余命中忌庚年自庚申至庚子皆有失意事

新歲七疊前韻

安居休共鵲巢移難燕粉紵蠟與絲人日金釵挑菜處春風
木筆試花時中和慣別溫涼酒欣喜何分勝敗棋適意由來
非一事書中誤字莫沈思

新歲四日潤夫副都就藩署爲午翁設餞八疊前韻

芝蓋霓旌尚未移音聲樹底奏金絲唐中書省堂餐地宋紹
興年下詔時銀燭青尊催進酒玉杵紅子坐彈棋閣東又見
梅花發水部當年最繫思

是夕午公留客劇談歸寓已加丑矣九疊前韻

東牆月影逐花移談麈爭抽乙乙絲老去昆朋尤惜別醉中
言語忌傷時豈惟蜀犬能噪日不信康獺解覆棋翦燭休輕
今夕話索居禁得百回思

正月初六日紀事十疊前韻

強敵尋讎檄屢移園扉續命竟無絲銀濤白馬歸真處槩木
釐纓受賜時門外定無牽去犬醢餘可有著殘棋櫻心豈獨
王丞相深惜周仁戴若思

仲綱饋冰糖葫蘆十一疊韻

性同枳橘有時移串串摩尼貫絛絲色愛紅檀投蜜後味如
青子最甘時果仁尙隔三重障黃手親堆十二棋不識人間
有辛苦較他紅豆更相思

寄馮夢華觀察兼懷子常太守時兩君同官鳳陽

一出詞曹守鳳陽尋持玉節典諸方大文碑版垂貞石爲政
風流列薦章傳刻木天三尺稿戡除花鼓九年荒我來擬畫
南陽諾退食惟凝燕寢香

卅年江潮數交期君與卿那競鼓旗桃李春風分種樹芙蓉
秋水記填詞庚辰歲在都下爲子常題芙蓉秋水圖主盟壇坫俱稱霸努力艱
難且廢詩滿眼新亭憂國淚亦如典午渡江時

上元

微雨輕陰作上元夜寒金餅在高天九龍銜燭暉行在雙
鳳扶雲憶去年內裏教春團荔粉循例賜大臣湯園東南誰進買燈
錢深宮勅罷傳柑會橙橘猶煩貢御前

八日與及門諸子照象自題一律

天教麟鳳集吾門佳日相招印粉眞杯酒東風桃李樹衫裳

西晉竹林人平章清閤詩書畫贈答柴桑形影神他日淩煙
圖將相河汾一老髯如銀

用前韻再題照象

花竹蟬嫣畫掩門斜簪散幘見天真誰非通德門中客多是
貞元向後人羣以麝香供島佛恍依月琯貌花神畫家多按
月寫十二
花神全身藥鏡光中現應是無心鍊水銀

上元日仲綱叔綱善孫寶衡竹延公讌余於身雲閣卽
席和善孫韻

四壁華燈照紫茵梨花初撥瓮頭春二三子在吾堪老第一
回圓月最新歌管寂寥行在所琴樽珍重眼前人諸君努
力中興頌老嫺將從黃道真

疊前韻示門人

行不攜筇坐累茵
將若具品龔春射
從飛衛三年學詩
放坡翁百態新
小袖禿襟非楚製
清茶淡筍似吳人
儒林習氣吾何有
羞黨同門妒道真

石甫以二月二日是義山江上聞吹笙日有詩見貽卽

次來韻

綠未勻敷紅未酣
漆瓢聲裏憶樊南
雲和之曲世無兩
子晉而還君第三
君自言前身爲張靈靈前身爲子晉
狼藉春光少鶯燕
艱難仕路抵魚蠶
無多錦段供持掇
贏得西昆禮繡龕

寄女雲和二月三日生卽於是日受朱氏聘登前韻示之

屏開金尾酒微酣
願汝宜家詠二南
春信海棠風第幾
生朝楊柳月初三
和鳴連理枝頭鳥
撮合同功繭裏蠶
猶是紅闌

待年女隨翁早晚禮詩翁

何副都以花朝日獨游城南蕭寺奉寄一首

行都隨分作花朝來過僧家主客寮拊扇仍騎京兆馬斜簪
不珥珠中貂圍棋花下羸龍縞燒筍林間借鶴瓢歸奏通明
有封事春陰乞護海棠嬌

疊韻柬何副都並寄石甫

鐘鼓清新暮復朝偶隨行脚到雲寮花開陌上稀逢蝶節過
春分已卸貂何水部詩吟栗瑱唐山人稿付圓瓢城南亦有
雙鬟女唱出新詞字字嬌

再疊韻柬何易兩君

獻罷農書又十朝葫蘆盛酒入僧寮清齋美過中書餘道服
輕於內賜貂滿眼雲山雙蠟屐側身天地一圓瓢五陵年少

春衫色更比歛湖柳浪嬌

三疊韻寫懷

百花無意作生朝老鐵深鍵七客寮宮裏畫閒畫松鶴

聖幾慈

暇作畫自遣

遶東春貢罷夢貂沈蘊地下多青骨跋扈人間有綠

瓢尙有澄清河朔意肯拋心力爲茶嬌

四疊韻書感

幾度鶯昏與燕朝暖風遲日掩松寮山林信有長生鹿臺省
應無不足貂盼雨潤回原上麥任風吹冷樹間瓢無聊每作
堯章語自琢新詞韻最嬌

五疊韻書事

十國連衡匪一朝西京非復舊宮寮收回井口拳毛馬

劉鎮光才

守井陘合肥撤令退兵

買斷關中帶膝貂

衣肆貂膝袂祇兩襲榮相購以進

雲起終

南連地絡雨從太白借天瓢

時方苦旱新自太白山請水回

回頭瓊島陰如

墨紅翠安能婉復嬌

六疊韻憶西山之游

塔院春游似昨朝翠岑香峴訪花寮松柴煮鹿朝行炙土甕
談孤夜擁貂花氣和雲薰酒袂月華承露浴丹瓢金堂白石
全家住萊婦清癯左女嬌

七疊韻憶西湖東何副都

往來寶石山前路幾處蘭桡間桂寮每日畫船攜粉黛百年
明鏡照金貂測量松腹青羅帶收拾湖光綠玉瓢一道蘇隄
萬楊柳流鶯百轉嬌人嬌

八疊韻調石甫

華清有美勝鮑朝莫道前魚怨綺寮一辟陽驂公主鳳六娉

姪遜寺人貂秦青歌闋珠成串薛雪來時酒一瓢

來詩有剽
伴名醫薛

一瓢
之句

換馬輕盈香翰在爲君重賦百宜嬌

九疊韻書臥龍寺壁

竹屋青燈幾夕朝

丁亥戊子
屢宿於此

花時重訪遠公寮雲中幢節來

仙鶴竹裏袈裟近左貂

此有
本事

淨掃松花一箸帶平分椰殼兩

茶瓢依然龍象莊嚴地莫放先朝籍孺嬌

十疊韻題身雲閣

玉蘭如雪落春朝日出山僅啟竹寮紙有右軍書剗繭裴無
季子敝來貂舊鈔仿宋顧千里精楷摹唐楊大瓢閒看小兒
弄硃墨鸚哥秦吉一時嬌

十一疊韻遣興

賀人雙燕語清朝瓶鉢蕭然似佛寮茶甃嚶嚶沸魚蟹薰爐

浥浥覆甕貂書中蝶腊啗金粟畫裏狐禪陋癭瓢門巷東風
五株柳細腰猶學楚宮嬌

十二疊韻述家人過入仙菴看花

不是花朝是雪朝玉蘭一樹映疏寮松年高過金毛鹿萍翠
圓於餽眼貂脆炙花酥擎蜜椀深縫茶井試冰瓢歸來貽我
瑤臺雪浸入哥瓷分外嬌

十三疊韻西京懷古

黃圖終古雄三輔長樂鐘聲警百寮唐苑粧梳輕似燕漢家
骨肉重於貂幕年力士傷春薺玉貌雙成奏漆瓢別館離宮
三十六夜池人柳至今嬌

十四疊韻卽事

吾衰暮氣不如朝小極經旬閉月寮銀券未償慚大駟

晉之大駟

見後漢書

香材可惜失三貂

余如臺樽香今無矣

筍抽隙地滿青玉菜熟荒

園擷翠瓢往日小伶俱白髮無心更願管弦嬌

十五疊韻春興

月映黃昏雨浥朝嫩晴濃暖掩虛寮花如彩蝶人如鷺書換紅鵝酒換貂枝上柳絲堪作枕槐根木瘦已勝瓢南山曉翠誰能畫十二煙鬢一例嬌

十六疊韻述事

累朝恭儉踰唐宋豈有讒夫似伯寮琛貢久停離水象往裁早禁遠山貂

貂往舊

有遠山近水之

仁宗朝禁之朱絃舜奏諧夔拊黃屋

堯心契許瓢省識邇來薪膽意行都稀御綺羅嬌

十七疊韻贈笏卿

章臺走馬自朝朝夜對閒齋月半寮爭食何心逐雞鶩忍寒

無意羨狐貂，鐙搖柳影侵。書幌風引花香到，藥瓢賭唱大江東。去否銅琶重按，念奴嬌。

十八疊韻贈午橋中丞

忽漫迴旌駐槐省，頻煩命駕過樛寮。行廚每飯封銀鮓，坐褥千花簇紫貂。早有遠人庇裘廈，更無寒士怨簞瓢。衣糧盡拜鍾離賜，雁戶眞同兒女嬌。

十九疊韻自嘲

閒吟冷醉夜連朝，苔滿階除花滿寮。詩骨瘦於官廩馬，草廬敝等翰林貂。貂裘最劣者，俗謂之翰林貂。鏡匣月鹿藏詩札，衣帶船山繫酒瓢。爲馬爲牛俱可可，膝前贏得袞師嬌。

二十疊韻遣興

霞夕膏騰接霧朝，深深庭院煮茶寮。東欄兼愛梨花柳，內苑

全更狔猗貂大令書成兩團扇蘇州打碎幾空瓢踏青明日
曲江曲細草鞋尖步步嬌

二十一疊韻解嘲

巷陌清明賣杏朝曉隨花氣入蘭寮清臞骨相長身鶴閣淡
聲名本色貂詩有江郎裁剩錦茶斟坡老負來瓢黃金鑄作
箏中雁時傍羅帶一放嬌

奉和何副都花朝登小閣見懷元韻

禪林隱隱唱鶻聲板閣前頭老衲迎二曲人家疑罨畫
雙橋煙柳入春晴蓬橋聊爲郭杜諸花壽閒考隋唐古寺名
憂國不忘霖雨意試將離畢問田更

戲疊副都來韻

久盼茆簷浙瀝聲林間鳩婦枉逢迎煙清早滅鼻端火品鼻煙者

酸瘠糊豆外

另有舊品 雨落纔教淚眼睛御史有聰憐瘦骨故人如鶴

改新名

宋詩鶴改新名呼朱至來詩欲對身雲居士遂名石甫爲鋤雨湘農清臣不解郊天識

頗訝當年榜首更

宋宮公改名後致書葉清臣葉戲答云身是宋郊榜第四人不知宋庠爲難

三疊韻酬副都

病起稀聞藥鼎聲脈經嬾復按承迎一春何處無芳草萬事人間重晚晴莫指黃龍爲信誓擬將青鳥署官名巖顛鋤蹶無窮事都在桃花洞外更

四疊韻索何易兩君和

穿樹生憎乾鵲聲龍湫一勺費郊迎誰曾地占百弓水翻憶天無三日晴吾鄉諺云天無三尺幅裁嫌臨草聖寸脾截竹日晴地無三里平記花名山齋不與蒼黔事鶴代磨門魚代更

石甫過談五疊韻索和

蓬門時有展輪聲佳客頻來罷送迎夜已過丁商曉夢冬非

遇戊亦春晴

諺云夏至酉逢三伏
熱立冬戌遇一春晴

但相逢處俱相識不近情

人枉近名

洪北江詩好名亦是文人事不近情人不近名今人不然專以不近情爲沽名計

爲語時

流祖西法衣冠文武莫輕更

六疊韻東何易兩君

三徑時聞阮屐聲到門僮僕每歡迎二分美竹延朝爽百丈
游絲駐午晴賈董疏論當世事王楊簿錄古人名愁來安得
中山酒一任流光睡裏更

庭下紫丁香盛開七疊前韻

紙窗新有蜜蜂聲行到中庭彩蝶迎珠絡索兼朝露綴紫葳
蕤門晚霞晴雅宜翠色哥窰器巧對黃家子久名舊歲北臺
兩株雪枝頭顏色一時更

京寓有白丁香二

八疊韻詠紫丁香

花間清露墜無聲記否關門望氣迎小玉釵光籠晚髻相公
袍色借朝晴買春乍可將貂換入夢還當以鶯名合與紫薇
郎作伴黃昏蛾月起初更

九疊韻憶京邸白丁香

北臺回憶讀書聲客至花前倒屣迎凝枕夢雲吟豔粉

見王建夢

看梨花雲歌

幽窗對雪寫時晴恍疑珠婢籠寒翠不許茶人借小

名

茶名紅丁

更念海棠春睡足夜寒風細月三更

京寓有白海棠

十疊韻詠白丁香

雪衣娘子喚茶聲錯認羅浮縞袂迎數雨前頭幾霜雪梨雲
時候半陰晴清香玉蕊和珠蕊本色花名又藥名不信風塵
滿京洛三姨素面未全更

聞石甫墮馬傷臂奉訊一首

橫馳怒馬繞春城，紫陌驚聞墮騎聲。
小庾振衣猶意氣，三公折臂自功名。
絕知散髻非孫壽，轉恐先鞭誤祖生。
幸是米教新婦見，不然花帳夢魂驚。

視石甫臂創再贈

輓體格

支公愛馬因神駿，誤向春城試的盧。
桂嶺藥知三七好，燕臺金值半千無。
時有人假君五百金未歸頽然狂客眞眠井，久矣湘農罷荷鋤。
胡文忠與人書欲平此賊非天下太平從此始，亦如笑墮

華山驢

又絕句三解

行宮左側小紅樓，每日黃衣在上頭。
咫尺怕從馳道過，小臣驚墮紫驂驪。

君王深嘆將才難身手如卿且未堪可記青衫蔡天啟身騎
惡馬落江南王荆公詩身著青衫騎惡馬日行三百尚嫌遲
心源落落堪爲將只是君王未備知爲蔡作也
獵書早切垂堂誠孝子難爲叱馭身七寶馬鞭無用處祇應
平與賣書人

再箴石甫

蹀躞銅街瘦燕身錦鞍白馬太驕春此非庾翼回旋地卿亦
桓溫駕馭人北叟拊心憐愛子東方捫足念慈親榮途此後
平如掌折翅回谿未是真

疊石甫病榻書事韻

穩稱無如青布鞵狡獪合以做帷埋神仙厯劫齊宗伯童稚
稱孤魯亮儕君幼時所遇與亮儕同頗礙春游香積寺轉添清暇小眠
齋十蘭左手題書札筆法圓於古玉釵

滄桑話再三身貫不忘同應舉詩來或詫晚生男祇應偕入
耆英會圖畫風流傲劍南

老令

百里栽花四十春一生官職爲他人等身墨牒朝朝判過眼
黃金歲歲貧妻子豪奢拘檢少台司風旨揣摩頻怪來宦轍
平如砥時有私書謁要津

老幕

長揖諸侯七十翁蓮花幕裏髭霜濃獄詞烏府教詳定臆說
龍莊有異同萬事繁難求伯始一生法律守文終門牆高弟
多於鯽基布星羅列郡中

老役

皂帽低斜赤棒輕押衙何意到稀齡曾遭臺檄三除卯不記

琴堂幾拔丁幕內苞苴憑出入民間牙角慣調停少時看種
甘棠樹今見喬柯百尺青

老農

老向田間課雨晴了無機事桔槔輕教尋巾屨迎田祖爲辦
飴鹽入縣城問字有孫上冬學打門無吏擾春耕綠楊陰裏
茅柴酒閒與鄰翁祝太平

老漁

閱盡鱸香亭畔秋一生笠釣伴閒鷗江邊魚市依紅樹洞口
桃花笑白頭宦海風波歸冷眼晚霞身世倚扁舟霜清月白
羊裘暖爛醉狂歌且睡休

老估

大腹蒼髯智數深珠盤銷盡一生心得妻多是琵琶伎報國

虛量栲栳金茶藥市中迎鳥客金蘭簿裏數詞林士流不及
商材重桑孔遺風復見今

老嫗

五夜縫裳目力艱青脣吹火晝無閒
竈前喜聽諸郎讀花下
噴梳小婢鬟可有酒錢分
閨苑略能詩意解香山
髻花紅映
鳩茶面又與卮娘伴
嫁還

老伶

花落江南不算春
龜年淪落在風塵
能歌天寶當時曲猶是
何哉向上人
榮燭漸成師曠
簪衣冠曾寫叔敖
眞野狐休唱
零鈴雨南內
萋迷月似銀

寄晦若侍御都門

君留京闕我秦川
說著黃巾尚膽寒
庾信江關傷別易
留侯

帷幕借籌難鳳城何者爲春色烏府於今有諫官記否正陽門縱火北臺同帶淚痕看

記去年五月二十日事

再寄晦若

海天風引下三神成就邦衡壁立身御史中推眞御史仙人外有謫仙人今知敵國尊黃鶴早陟明廷對白麟君在孔門似端木亂齊存魯見經綸

喜雨

窮冬少雪春無雨下隰高原盡焦土二麥抽心旋旋枯豆苗疏蔬菜根苦去年秋災接春暵中澤哀鴻無死所丁糧蠲緩官俸徵郡縣飢虛竈無火南漕百萬滯襄樊水陸舟車並艱阻亟催桃汎活窮魚那得梅津救渴虎兵車絡繹潼關道更捉殘黎肆捶楚耕牛宰盡肝人肉斗米將來換兒女我

后焚香夜禱天淚濕黃羅珠貫縷屢聞御藥進萱蘇久已清
齋捐醢脯干官祈請徧河嶽關內百神靡不舉御香篆作紫
閣雲金簡投滿蒼龍浦城東有蒼龍河昨暮涼風西北來焦明亂飛
商羊舞年明簷玉響淙淙枕上喜於兒吮乳捲簾看雨如散
絲白蟻移家傍雕礎濕瀉天都太乙峰雲蒸玉井蓮花蕊墨
牒飛申報米價約略十千減四五已聞欵議撤諸軍更得甘
霖潤三輔君相仍多薪膽懼子遺差免沙蟲伍我有傳家
井田硯玉滴蟾蜍津沫吐平添柳翠濕鶯衣更喜泥香黏燕
戶小園來往護花藥綠野安排種禾黍壁衣潤透慢琴絃屋
漏痕深肖斂股客來亟喚蜜雲龍沆鐺試汲新泉煮

喜雨次韻

山色瑩於碧玉簪泥深未許恣幽探雨中茶話深明閣風裏

松聲普照菴欲買梨花酬上已懸知米價落淮南黃紬軟美薰爐潤一枕春紅曉夢酣

送繡漪從九姨如涇陽

近游先自數歸期五日猶嫌采涿遲禪體衣裝金縷帶隨身
簪具玉臺詩梨桃滿路看無色弟妹拋書夜有思未免牡丹
添怨悵正開花是別花時

疊韻促繡漪歸

櫻桃花下久相期莫訝門前金犢遲別後虛斟雲母酒余腸痛止
酒歸來先看牡丹詩待將班史歸曹惠早許芬才敵左思七
十五亭心暗數到家纔及晚霞時

上巳日石甫問出游否賦答

錐處囊中箭在弦幽居滋味已深諳草廬纔得半瓊半近人陳鱣

有牛花事可憐三月三今日雨爲田本命古以正月三日爲
田本命今年苦旱
適得好此中人愛晉清談倘循曲水聽鶯去尙有新州醪醪
雨故云相

· 疊韻酬石甫

道心不礙近朱彈琴志樓邊路熟諳口析畔牙臣撈百身騎
腰裏僕爲三詩盟北郭開春社鬼趣東坡入夜談新置寫官
鈔近作朱闌筆法似黃柑

樊山續集卷十四

恩施樊增

洛花集

牡丹八首

併序

洪北江謂古今牡丹詩罕作正面文字趙甌北輒賦
八首及明年又作如前詩之數北江稱譽至再今讀
其詩適成爲甌北體耳小園牡丹二叢作花甚穠以
詩賞之如趙之數後人視樊山詩殆如我之視甌北
乎辛丑三月朔日

知是雲翹是玉卮花陰正午睡靈狸華髮世界香如海臺閣
文章妙入時李白平章妃子貌姚黃成就狀元詩多因行
在春風早莫訝今年穀雨遲

清明後小園牡丹已開

紫絲步障玉紋茵。金婦莊嚴有告身。七寶樓臺成片段。六朝金粉寫丰神。花中姊妹憐卿貴。世上王侯爲汝貧。回首可憐崇效寺。如今不算鳳城春。

爲后爲王在洛中。品花亦自有真龍。衣飄紫鳳天香馥。酒醖黃鵝御愛濃。芍藥教行丞相事。海棠合受貴妃封。誠齋詩海棠花貴妃雕欄玉砌尋常甚待起黃金屋數重

天意陰晴曉未分。鈴聲幡影護香君。光風宛轉琉璃地。烟雨蒸騰樓閣雲。貴甚商周清廟器。富於唐宋大家文。爲卿別奏鈞天樂。郊島酸吟那得聞。

空谷幽蘭是假王。漢宮飛燕倚新妝。寶光七尺珊瑚樹。氣味三勻瑞腦香。真富貴人賽貂錦。殺風景語譽蠶桑。金花箋上宜宮體。肯與村梅較短長。

二月園林尙淺寒
心亭畔倚闌干
花酥好喫
觀音素豔體
修成至寶丹
一品衣存儒雅態
百年樹與子孫看
人生合併
鞋紅老錦瑟
傍邊夢亦安

城東菴子萬花妍
仿佛瑤臺聚八仙
錦洞天爲長夜飲
銷金
鍋擲買春錢
月中玉佩承清露
屋裡香爐滃紫煙
莫對名花
誇北勝北都葵麥太蕭然

樊川最與紫雲親
沈醉東風爲寫真
女障子應圖舜舉游
仙
詩欲擬堯賓
世間買貴騰脂價
鏡裏妝成金翠人
一捻殷紅
天寶事至今顏色尙如新

再詠牡丹

宜稱羅虬九錫加
能行解語互矜誇
溫柔椒殿推宜主
端重
蘭臺有大家
目笑金荃姬妾草

山谷詩香
州當姬妾

意輕紅杏狀元花

不須更泛金船酒自有香光上臉霞

移春檻畔見娉婷蝶陣蜂圍已慣經
晃日十重金鎖甲障風
九曲水精屏芳名六一堂中譜豔曲
臨川夢裏亭日夜朱門
門絃管安知露媚與煙惺

傳聞賜紫自蓬萊白玉堂前奉敕裁
紅粉妝擎一尺髻真珠

雲起九層臺

牡丹有九蕊真珠紅

仙裙特地教留住青眼何人不看來

知道天心深愛惜十分春足始教開

萬花俯首奉君王虎樣春風不敢狂
殿間丹青圖玉貌衣裳
朱紫染天香並頭已賽金鷄鶩
入夢當爲綺鳳凰
碧玉小家
望顏色一齊宮樣學梳妝

何限佳人妒汝佳偷描小朵繡弓鞋
妝添猩暈雙唐格

妝樓記婦

女點注有猩猩

暈雙唐格諸名蕊點鸞雛九子釵金谷夜游宣酒令玉樓春

色入詞牌太儀乞藥昭陽靳第一花應植玉階

風前歌扇倚紅鸞標舉靈芬爲染翰比似才人眞繡虎譬如
嬌女亦金鑾文章得氣兼春夏風景宜人半暖寒一品班中
榮九命紫泥封付豔妻看

雕文鑿座五雲中香案前頭一朵紅紫錦夜扇羣玉府銖衣
曉出蕊珠宮揚州金帶風斯下秦氏朱樓日在東繫馬花前
纔一晌歸來都似麝香驄

平原十日酒行遲繡汝眞需五色絲紅到中心無缺陷綠須
百葉與扶持寵移唐苑三千女香醉封家十八姨猶有洛陽
年少意爲卿重賦玉臺詩

黃牡丹

黎美周以此題得名然如木蘭金甲繡盤龍一首全

是夢墜錯認秋容咏菊花小兒學語其餘亦多膚淺
今擬是題體近西崑而意求真切獨可爲知者道耳
求衣長樂曉鳴鐘金色仙霞拂檻濃宮額承花梅萼換香
留帶蠟衣封萬年枝上常棲雀五瑞圖中合是龍見說阿嬌
起新屋輕鉛淡粉若爲容

沸天絲管洛陽城姚女凝妝侍上清金帶來朝知閣事華鐘
合樂奏宮聲慶奴自有天題扇幡綽無非御賜名誰向樓中
吹玉笛仙人乘鶴下瑤京

曉晴仙掌倚天高俠少春衫顧盼豪緩步香輦依御路斜飛
金雁離去聲檀槽地衣十丈舒葵錦仙樂三終賜柘袍消受銅
鋪好風日那知三徑有蓬蒿

沈香亭北繡苔茵釵擘雙金憶太真妃子塔邊燈照影侍郎

門下月窺人麝塵霧隱花紗淺珠唾風飄紺袖勻金母膝前
好兒女故應長占碧城春

揉金爲土起層臺莫是昭王馬上栽承淚枕痕留洛女甄后有金
枕加身袍色借香孩杏煙如穀龍鸞羽松粉搓酥養鹿胎常
有國香浸肌骨爲曾供奉赭衣來

杜陵枉自號詩王祇解花溪詠四娘眉愛小鸞勾淡赭身從
靈鷲奪天香仙郎騎省承眞誥好女魚家換道裝接引太常
仙蝶至仙蝶色黃別施輕粉曬春陽

穀城片石坐相招蘭畹芝田伴寂寞曉日金明鵲鵲觀春宵
蠟綴鳳凰條密圍菱柳垂垂縷小踏宮蓮步步嬌揀取雙文
作名字玉鶯裙幅稱纖腰

斜日金迷子午關東南孔雀暮飛還露華夜盥薔薇水香樹

朝齊旖旎山錦帳驚梨燕百福銅扉蟾鎖嚙雙銀從今花市
東風價不在嬌紅姹紫間

栗留特地緩聲歌奈汝輕車細犢何羅帕傳柑餘舊麝瑱杯
浮粟愛新鷲林依蒼菊成金地水借瀉崙換絳河儘有香心
供採掇冬房看取蜜脾多

封題甘草寄情深側帽花間仔細吟臨睡寶釵敲栗玉微寒
仙帔掩泥金瞿曇擬借春風面梔子真同異日心小閣蓮鬢
吟搗碎別拈湘管遞芳音

紫牡丹

同治庚午孝達師視學湖北以此題試士都無佳作
王百穀南有堂集中有此題最佳者爲色借相公袍
上紫氣含天子殿中煙然紫字犯題已乖詩律其他

更乏誓句畫長無事聊復賦之

燕支山色照神州培植仙花近御樓萬選得名驕鸞千金
論價換驂騑魚臺有月常依日燕領宜王不願侯省識大家
端重態睡香慚愧紫風流

九成初日照蓬萊淺白深紅次第開佳氣一旗隨鳳蓋嚴妝
雙鏡對鸞臺丁香春瘦瓶無膽乙鳥天生玉有胎剛被東風
偷得去強勻顏色付玫瑰

寶閣莊嚴夜有光丹青調色繪名王昭儀綺袖承清露宰相
珍袍映赤霜帝舅染絲裁步障謝公呼火燕香囊憐卿富貴
居鄉里洛下應開畫錦堂

葡萄美酒醉花神聊代櫻廚薦入珍竹裏茶茸生蟹眼花前
金袋燈魚鱗低眉菌妾休當夕團面淺人欲笑春青帝封泥

頌寵詔磨金作屑寫絲綸

半是禪心半宦心神仙貴壽兩沈吟
星郎珂佩依薇省龍女巾瓶在竹林
英石爲臺棲鳳穩芝眉作樣染蛾深
泉標百萬春難買量盡朱門栲栳金

昭陽宣索進霞杯舞袖臨風綵仗迴
微步玉妃乘霧去回頭紅粉看雲來
金貂麗日槐廳啓石蜩乘春綺席開
小煤駝酥充御膳好同梅苔試羹材

明光供奉纈袍加嶺柏村蘭地望差
淺絳樓臺成海市還丹火候鍊河車
香能敵麝囊皆滿花亦猶龍氣自華豔
曲雲迴爲卿壽檀槽金縷聖琵琶

瑤房絳闕倚仙妹俯視桃奴並荀奴
奴含睇便如衣綵鸞借名不許帶鈴狐
狐名阿紫花心蝶誤東陽悲粉領蜂添大帝鬢欲掃

苔茵敷坐席龍髯拂子捉來無

明妃臺畔草萋萋眞見閼氏塞外歸綃淚爛斑蛟女怕繡茸
顛倒鳳皇衣織成天鹿皆殊色繡出文鴛亦並飛日出東南
新睡覺滿身芳露溼宮排

漢宮羽翼採芝仙亦有人間富貴緣江筆是花還是錦霍釵
爲玉莫爲煙修成寶月眞仙府鍊得瑤霜更少年三十年前
鎖廳夢於今重試九霞箋

綠牡丹

城東八仙菴有此種初開四朵小黃門翦以進御
己而又茁一花傾城往看余杜門簡出坐拋春事旣
賦黃紫不當使萼華笑人也亦賦十首酬之

綠雲五朵爲誰妍翦取名花貢御前海樣侯門借瓜地春來

僧眼誤蕉天情知碧雀難爲贅解跨青鸞合是仙欲買韶光
歸瑣闥東皇百萬破苔錢

碧城管領付名姝春草閒房入畫圖豔曲小青歌小海淡妝
西子比西湖孫郎情繫連環玉石尉恩深一顆珠欲琢青瑤
作去條脫萼華顏色古今無

御園移植久知名柳宿光中又一星畫嫵曉添螺子黛赫蹏
春貢女兒青鴨頭三百分江水翠羽十平雙進漢庭石帚新
詞填綠意不應度與早梅聽

非紫非黃自一家遙看疑葉復疑花御階風動槐龍繖宮扇
雲移艾虎紗翡翠宿花春一色珊瑚交樹玉無瑕蔚藍天裏
樓臺影早晚鉤簾看碧霞

青油爲幕翠爲巢兩面花牆薛荔高柳綫交被鸚鵡翹桐枝

倒挂鳳凰毛青腰有女依瓊樹素面羞郎暈碧桃見說洛陽風景地年年芳草似春袍

西明寺裏駐花驄十丈香塵不敢紅歸妹第三青骨帝買鄰論萬綠毛翁丁簾燕子含春睇午檻狸奴換碧瞳欲與賢王胙茅土江名鴨淥嶺名葱

伴侶金籠有翠哥丰神依約似靈和東風花信傳青鳥北苑茶光照碧螺弄玉曉妝雲髻解文君春思綺琴多誰傾十斛明珠淚盡把柔藍染愛河

曉來煙露濕莎廳扇子仙人侍曲屏波嫩草香桃妾渡柳親梅遠麗娘亭小池娥影風吹縐大益哥陶雨過青付與草衣圖粉本細勻石黛寫娉婷

園林換葉檻留香別是人間富貴場翠鳳葳蕤當御座碧雞

離合幻神光瀟湘未是無情水蘭竹俱稱異姓王交瑣窻扉
三十扇盡施青漆畫鴛鴦

曉寒新試衍波箋此矛知爲天下憐豔色妝南劉碧玉仙才
亭北李青蓮染衣濯濯如春柳落瓣依依拾翠鈿欲爲綠君
商品第更回鏤管蘸湘煙

白牡丹

詠牡丹以白者爲易然各有身分不可與梅梨諸花
相混曩有同年生賦是題爲贈妓而作唐哭花王不
少今別賦十章俾與姚魏爭霸焉

蝶蜂底處覓天香百寶欄邊試淡妝天上居停惟玉署人間
遮隔是銀牆衣裳唐苑更鸚鵡文字雲亭吐鳳凰羞與漢宮
飛燕伍一生無意上釵梁

婉嬾花奴號玉腰也隨縞燕賀清朝連城不換無雙璧一朵
能行廿四橋仙幘微涼添鶴髦天機本色織鮫綃蕊宮仙子
耽清淨未要蜂衙早晚朝

託根曾傍玉朶恩照影羞臨百子池姑射月明看聚雪華清
春暖洗凝脂仙逢洛浦來常早夢誤羅浮起每遲眼力時人
能幾許莫教容易識冰姿

玉性溫存午睡慵遲遲暖日度紗幮銀鈴院落清涼傘粉絮
樓臺淡蕩風周昉畫嫌清氣少羅橫詩愛白描工東皇有力
能擎舉置向瑤林璧府中

紛紛紅紫滿皇都灑掃環階別院居玉蘂花堪素丞相楊枝
舞爲白尙書江妃佳麗三千外洛女容華十五餘微問瑤臺
舊時月沈香亭事近何如

弟呼叔寶姊飛瓊翠羽明璫侍太清羅襪楊妃纖似月口脂
樊子淡於櫻粉闌干繞亭亭影玉篆牌簽素素名侍從連翩
騎白鳳爲傳花信到瑤京

五更風露滿藍田日出微生淡淡煙粉世界兼香世界花嬋
娟似雪嬋娟瓊瑤自刻茗華印釵釧何傷玉版禪誰識羣真
朝散後素娥幽獨最堪憐

眞王羞入水仙祠菊瘦泉寒那得知花富貴無金粉氣雪聰
明稱玉臺詩卞和自譽無瑕璧墨翟眞達不染絲願汝長生
見君子蓮香水淡訂交期

余曩居蓮池有君子長生館故云

婉翠嬌紅任剪裁閒庭青眼爲君開梨雲壓枕春陰重穀雨
敲門淡友來寶扇冰裁煙樣穀玉船露浸月中杯擬將一段
明光錦乞與甄妃作韞材

東華十丈軟紅塵至竟何人覩玉眞一世未逢青女面百花
都是素王臣鴈脂奪我須憐我裙屐尋春不見春誰省朱門
歌舞地倚欄別有素心人

紅牡丹 併序

北江詩話謂此題極難作自述所作不過影與朱霞
相激射情於紅袖倍因依而已余旣賦黃紫綠白諸
詩更以是題爲殿適定興尙書以四月二日爲長孫
授室因寫此詩於屏風爲賀故有莊語而無麗情焉
紅鞋來侍閣門班姚紛紛綸祇等閒鸚鵡樓臺施絳帳鳳凰
家世住丹山蓉江豔濯連波錦蓮井香蒸玉女鬟曉日瞳矐
啟闔闔置身常在五雲間

內廷旦下紫泥封心識韋丹第一功護法可須丞相絳世家

首數鄂王紅三層綺閣飄香雨廿四飛橋架彩虹却出通明
前殿望一枝穠豔百花中

至寶丹成鼎鉉香寒梅避席讓花王嶸山聚雪朝金母朵殿
爲雲捧玉皇一色緋衣裴節度兩行湘粉郭汾陽漢家旂纛
如荼火莫認朱明內教場

百五韶光滿絳都雲中丹鳳萬花扶玉盆有子俱成赤金屋
無人敢奪朱表奏東皇臣韎韐貢修南海女珊瑚天錢借作
棠妃聘穠李天桃得似無

朱陳好合詠宜家寶扇鈿車擁麗華一品衣裳仙鶴頂三生
符契守宮砂有心赤過卷施草論色穠於奧罕花千朵紅蓮
照妝閣玉堂春色上鐙紗

十二珠簾宿雨餘滿庭緋紫萃華裾憲扉曼倩窺朱鳥花葉

琴高寄鯉魚梅有雙身王學士杏同一色宋尙書薇廳藥省
春多少一種天香總未如

江水南離錦浪多驂鸞錄裏記移柯文章孔雀來丹微星宿
牽牛飲絳河盈尺硃砂輝硯几百筐茜草染衣羅如今王氣
縈鶉火一曲新翻絳樹歌

侍香蓬島小金童身在紅鸞扇影中天半朝霞橫錦帶初三
新月賜彤弓馬名赤兔纔能換鄉源朱鷺未許同若與小喬
評國色玉臺方便借東風

豔錦裁衣裏洛城相門忠孝冠都京繡旗梁氏無雙玉緋點
唐宮第四瓊絳節朝天誇富貴朱衣暗地主科名午橋莊裏
劉賓客來按霓裳第一聲

拂拭朱絃奏舜琴花光掩映燕雙襟一枝煒管書雲手九蕊

眞珠捧日心丹水種綠堯女貴絳侯恩拜漢皇深一生貴壽
天孫賜錦字銀州報好音

樊山續集卷十五

恩施樊增祥嘉父

西京酬唱後集

徐六携一僧游南五臺戲贈

五臺飛翠入煙霄四月山花笑紙袍居士南游携柳栗上人
偏袒吃櫻桃丹房雨細瓶花落絕頂風多帽屋高終是山東
豪傑士龍湫洗眼瞰神皋

春暮卽事用雙聲體索石甫諸君和

君家教借錦鞦韆倒打顛當蟲名淡蕩天書扇直稱詩史氏
兼金積欠酒家錢欲圓月怨銀雲掩好合花橫豔幌寒轉燭
照粧珠帳捲簷陰玉雨夜搖煙

拖藤停踏退廳苔翠草參差錯綵纔翳葉延鶯緣雨澗呵毫

畫幃換花回西軒醒憶仙鄉杏滿慢眠迷妙墨梅喚盞花壺
何滑笏月拈菱蕩嶺南來

卽事二首用登韻體

嗟嗟迢遞可摩挲索烙波波

見茶村詩

佐叵羅絡角羅摩何婀娜

和歌芍藥頗婆娑呵鶯促坐坡陀左捉鶴俄過瑣關阿郭藥
家多果窳柯峩角姓莫蹉跎

洞窗紅鳳羽東風供奉離宮穴從同中棟松樅從臆腫重弓

虹蜨恐朦朧躬從東隴逢麗統

用麗德公採桑事

眾捧空鐘諷孔融

寵寵紅紅總同夢銅龍猛動送登冬

和石甫感事元韻

民受夷吾賜到今莫將左袵誤沈吟鄧人舉燭非初意曾子
涓魚無異心元亮何傷瑕後璧不疑直認盜來金語言小過

非臣罪終荷明廷鑒賞深

子玖前輩以大司空入叅機務奉賀一首

三十年前侍從臣今登兩府秉樞鈞
蘭荃結聚三湘秀桃李滋培四海春
度世神仙醫國手救時宰相讀書人一
從元祐庸司馬頓覺朝家百度新

次石甫韻奉慰一首

宵來噩夢怯檀羅縛繭難爲速化蛾
澁澁關頭三疊浪篴篥引裏一條河
古人宣室承恩少老輩湘鄉信遲多
見說齊廷有神鳥須知一目不爲羅

題顧五編修詩稿

一昨封章結主知洛陽年少冠當時
霸才古有陳同甫高論今惟管異之
關輔徧徵秦漢事中州重見李何詩
君師我

友今安在衣鉢桐江幸見遺

聞石甫午日宴客並召歌者侑酒戲寄四絕句

今年端午客中過坐聽哀箏可奈何不遇當年趙承旨誰歌
驟雨打新荷

昨歲瑤璫寄我遲鶯花狼籍被兵時山杉杉已膏肓斧猶和

冬郎小豔詩

去年五月十五日董福祥殺山杉杉而兵衅成矣十六日得石甫江南書能與賽金花同乘余

報之

煙月韓潭第幾家夜闌無夢到京華牡丹芍藥俱搖落看到

人間鼓子花

公孫弟子垂三十吾見公孫尙小時同谷歸來天寶後不堪

劍器舞瀏漓

夏日卽事

舊巷烏衣王謝家修修庭竹倚風斜
卯時酒暈花雕盡午日
衣香艾虎紗肌汗更沾花露水冒寒都怯紫陽茶
求書競買
齊執扇醉墨新塗十數鴉

調石甫

左顧文鴛倍有情風懷全反竹垞生幻爲童子疑雄杏見紀
河間
當作山妻亦壯荆么鳳幾時集阿閣前魚曾記浴華清莫
嫌居近公超市霧裏看花尙眼明

石甫用臨川集中高齋韻見東奉荅一首

有書數簾頭可埋有酒數斛手自從胡爲鳴鞘走朝市車轂
相擊肩相挨部民時時避方薊禁軍往往逢背鬼莫遣王恢
出馬邑亦無贊普臨龍堆島兵西歸捲行帳電音絡繹燕京
來
神武中興炳制作彼軒與義何人哉戰士歸農解金申

儒臣獻書擎玉杯豈可特科失顧絳新從謫籍庸姜垓周書
邛洛會風雨雅詩江漢殷霆雷三司制置集羣策四方章奏
相差排深宮周召在左右星象煜燦明三台鼂日高岡鳳皇
下長春大道驛騶開伊余周南久留滯老馬不稱昭王臺名
滿天下動得謗歐九亦被羣兒咤何時備兵往濠泗乘流一
舸沿清淮

和亞蘧用荆公韻偶成二首時君小極初愈

賓主西都各有情嚴徐爭扈六飛行候湯解渴精茶事多
病尋方熟藥名西極馬從天上下北方城豈笑時傾深宮
側席思賢輔不願君爲魯兩生

北憲臥久醉還醒赤日黃塵滿禁城無用鐙檠牆脚棄有情
芳草掌中生科場其奈時文倣新法難教俗吏行今日三司

更令甲敢同介甫與人爭

又和雨過一首用荆公韻

疏疏小雨過通寰賀表朝來慰
聖顏南陌勸耕垂柳外北
池尋夢綠荷間亭名玉局能無喜酒令君房獨未閒膚寸雲
興滿天下葱葱佳氣在南山

病齒累日謝子修翰編惠止痛藥及杭州黃菊二首

少小嗜飴蜜齟齬召蟲蠹逮年二十餘早有凋朽懼東方編

貝齒時或墮碎玉

讀如裕宋詞有之

中如樹腹空旁若竹簡蛀今歲

苦炎赫遭離赤燂怒陰火爍黃芽丹皇失調護左車勢動搖
腦華相連互反側淑女迷呻吟拾遺句多君饋良藥來自嶺
南路發緘冰麝香上口燕支傳

藥色紅

無礙斷斷談不羞塗塗

附頭髮晞竹風心脾沁荷露治齒如治秦古以商鞅喻吾欲

步山集卷之五
斬三蟲正須吳鉤助

杭人善蒔菊籬落繁秋英柔條攢翠葆密朵綴金鈴濕趁秋
陽曝乾猶風露馨重陽浮玉醞萬里襲銀餅佛芎與仙杞作
朋三壽并入茗知香冽看書愈眼明一官落西北南物等瑤
瓊飢涎菰米粥渴憶秋醴羹煌煌三徑色遙遙十錦城吳質
知人意損惠佐餅筵我女方病熱鯁香肝膈清亟取黃金甞
趣同荷露烹陶籬隔炎暑鄴水得長生清風在北戶時送哦
詩聲

謝子修惠蜀箋

夢光浮渲霜藤鋪瑩於姑射冰雪膚益州玉版大盈尺上有
孫陽相馬圖蜀學緘封三道印伴以時人新槧書去年寄我
今年達書郵迢遞來魚鳧昔歲成都列行馬薛濤井在旌旗

下鈔詩買貴浣花箋知是曾修五鳳者別出新意教楮工蘭
亭繭紙將毋同熟槌精印寬截幅淨洗膠礬眞意足橫裂芙
蓉城上錦爛擣玻璃江畔竹書來貽我二百番裁眉雪光浮
硯山大書小篆恣搖襞煙墨駢染無時閒吁嗟乎金花羅紙
始盛唐南朝亦有澄心堂北宋以來重內庫國初貢絹雲
霞光角花新製出怡府精與羣畫相頡頏意圖與僕亟收拾
今存遺意琉璃坊光緒初年怡府出拳花箋萬餘番人爭購之後存四千餘余與盛伯希分買略盡今
琉璃廠有仿製者近來百工祖西藝機輪造紙誇光緻賤售
然紙材遠不逮矣徒欺市井兒薄材難了書家事譬彼申江石印書敢同殿本
爭精麗君贈我紙如朋龜寫詩還君當一鵬我詩絲絡徒詞
費此紙知能幾日貴君不見中興柱石東諸侯十奏九言印
花稅

顧五登前韻問疾兼謝書扇次答

老去常多砥礪情

余齒痛由長女病熱憂悸所致

三庚火伏怯金行蘇書能

寫穿巖痛楚產應更鑿齒名氣海生瀾休上撼愛河有水莫

西傾夜來重讀聲牙句嬌女依然侍伏生

落墨羲之醉未醒小詩況復愧宣城柳公副切須毫熟米老

麾騰要紙生雞鶩何心論貴賤龍蛇隨意雜眞行向來書拙

如羅趙院體莊嚴未敢爭

晦之芸子各疊高齋韻見示再次奉答

維西有岳塵坌不敢埋維南有箕穢秕不屑從乃知崇高出
物表細小豈得相摩挨看雲且扶綠玉杖有酒姑酌黃金鬼
金浮圖可一二數土饅頭已千萬堆蚍蜉撼樹不何苦鐵牛
豈患飢蚊來臥龍十錫猶可受萬戶侯何足道哉少年盛氣

凌八表意輕四海猶捲杯宦游積久頗更事直視萬古橫九
垓州郡聲名愧宣霸臺閣交際如陳雷時危數草奉天詔青
蠅萬口相擠排嗟余留滯豈獲已直緣舉主居中台條例獨
與伯醇議幕府早爲嘉賓開謝公不屈王大令有筆羞榜凌
雲臺黃鵠高飛動萬里鶴鵲仰視吁可咤宋玉大言示唐景
舉酒相屬如澠淮

病齒不出三疊高齋韻遣悶

往者琴堂龔屢埋今也閒廳花滿筵坐聽流鶯語深樹雙柑
那得常延挨楊妃病齒由側挺此痛真不減馬嵬我生亦有
荔支癖糯糍出盜紅成堆豈知一甘召百苦齟齬陰火相往
來猩唇鯉尾不下箸不食何異匏瓜哉清茶白飯充兩膳佛
芎甘菊時一杯暑窗謝客恣遐想尻輪神馬周埏垓自開練

囊放螢火深垂葛帳駐蚊雷夜涼月上竹影動炎歊坐被清
風排小團龍可啜建餅大游仙亦吟天台桐君百藥不療病
哦詩始覺心顏開閒聽兒女話京邑白齒齒香盈北臺西來
忽飲蓮峯雪人生蓬轉良可咍筆牀鏡具須早辦會當從我
游江淮

四疊高齋韻柬弢父

黃齋祇合飯窖埋白酒祇合甕尊從流光忽忽老將至有如
歲貢名相挨平生師友盡魁碩望與魯殿爭崔嵬邇來凋落
十八九草生馬鬣青成堆側身天地獨誰語茫茫百感從中
來九原可作其誰也萬鐘何加於我哉黃巖老友餘碩果逆
旅對舉新豐杯坐聽琵琶閱名士鱗魚飯甑盈京垓幾人才
望非盡餅幾家捍撥真忽雷舊人獨有劉白在物論甲乙相

推排我有朋舊半吳越君之鄉縣鄰溫台霞標瀑布不可卽
仙山幾見桃花開美人不貢白玉堂駿馬不上黃金臺與君
萬事坐淒倒魯儒猶被東家哈乘興東游一閒寫珠燈畫舫
趁秦淮

倒疊高齋韻簡執菴弢甫湘農

皇樹不願南踰淮橋化爲枳鼓譟咄南人鬱鬱適關隴空煩

表奏通天臺去年西還瓜始熟今見陂澤風蓮開桐鄉久住

亦不惡轉令鄉貫忘三台

余原籍蜀三台縣

竹馬駿駿兒童長筍班

觥觥門生排我昔內選雲門令

初選宜川宋爲雲門縣

如瞻居僧由居

雷摧登大縣歷四五亦有虛名驚八垓二年儉府掌箋奏庾

郎深呷紅蓮杯直以繡斧易銅墨周南留滯何傷哉夜吟潛

被梁燕覺午睡不厭風蟬來小齋自揭鷗虎榜餘生幸免沙

蟲堆故人登樓賞山色五峯

謂南五臺

撲亞青鬼鬼長安兼旬始

一雨久旱虧熬農家挨庭隅紫荊垂麗彩風裏落紅如雪從
清朝有酒且須飲暮夜無金不用埋

戲簡石甫

半是詩魔半病魔日長當作小年過無慘五疊高齋韻揀校

來詩折閱多

石甫三和自餘纔一和耳

聞石甫扶箕六疊韻嘲之

木筆琢沙淺淺埋槩槩畫字平平從飛仙欲下尚未下圓箕
不動還遲揆頃刻龍蛇勢掀舞眞靈位業何崇鬼靈騰颯沓
撼房戶欲徙雙柳歸風堆牽帷動佩女郎至眞氣驚牖天人
來小說家言厄寓耳浮世豈有神仙哉澧州公子肅禱致香
在博山醪在杯或如緱笙降於嶺或如楚歌聞於垓小詩酬

和雜釋道大書突兀迴雲雷就燭亟命赫蹏寫成集哀然鉛
字排鞠脰通詞軌有應肅如玉帛朝鈞台七日稽疑始鴻範
嗚呼箕子風氣開扶鸞夜聚國有禁糾彈得不防烏臺君
言逢場戲竿木如坡說鬼供笑哈今年科場叩題目白雲紅
葉思江淮

喜雨七疊韻

南山沉沉氛霧埋急雨跳瓦明珠徙園花池魚交喜躍柔枝
相附鱗相挨蘊燼連月地雜裂積塵成阜何隆鬼坐看麥蘗
黃於藥了無菽粟青成堆美人睡起秦雲合酷吏大去清風
來阿香推車信健者玉局有亭真快哉龍潭蒼以黃金簡昨
屋賞以葡桃杯曾孫有慶歲則熟萬億及秭至於垓老夫成
就吉祥臥北窗鼻息龍如雷垂簷入戶勢未已有聲鞺鞳疑

皮排青泥滿城愁馬滑調羹功深歸鼎台翠竹二分綠水活
紅蓮十丈凌風開已辦茶煎瀑布水莫教日射金銀屋喝人
旦起覓巾韞裸俗求衣堪一咍太史紀年書大有五風十雨
非別淮

沈學使歸題哲兄遺繪文官果圖入疊高齋韻應徵

佳樹根作龍筋埋駢柯葉如鸞羽從遺花取實五月熟青房
玉子相連挨沈郎午泊濟陰開莢舸大輻高且鬼薄游水寺
老衲笑冰蕤縹玉蠹蟲堆袖歸蓬籠自剖玩絕勝綠荔閩南
來如蓮有葯了無苦龍目奚止爲奴哉寫生一試槃礴羸分
甘更佐舉盧杯君家兄弟若珠樹友于不啻採與垓坡公遺
墨穎濱寶下取休道六丁雷索我題詩不見畫虛空著楔聊
鋪排曲園有詩足千古文光上燭驚魁台

俞詩云我爲題作
文光果留取文光

照子 黃甘陸吉傳立就青李來禽帖漫開梨之實矣憶太谷
瓜之熟矣思黃臺未見顏色言娓娓扣槃捫燭世所吟詩如
堅瓠休入集畫如江橘不踰淮

五月二十四日夜大風雨九疊高齋韻紀之

煩憂眞可地下埋大風簸盪天如從瓦溝飛溜急如箭萬條
銀竹鳴相挨列缺下搜老樹腹豐隆高踞層雲鬼驚濤突起
空舸峽滾雪平臨澗瀕堆三千鐵騎騰空過十萬軍聲酣戰
來五月松風已無價而況點滴黃金哉乖龍猛起奮鱗鬣倒
吸黃河如一杯百果草木盡蘇息徧濡下澤兼崇垓暗室忽
明玉女電聲俗亦憎龍門雷杜陵屋漏亟掇拾連牀牙玉縱
橫排邯鄲鐵牌效靈異策免幸不連公台明朝煙樹萬家溼
山翠如滴青天開吾師田水聲活活萬物熙皞登春臺老夫

雖無田負郭筆乾得潤聊歡吟樂莫樂於洗兵馬天河遠勝
江漢淮

扇頭詩墨是丁丑乞假出都時越縵老人書贈把誦悵
然次韻悼之

平生詩格師霞川有味如蜜周中邊扇頭灑墨三十載至今
青帶齊州煙讀書志裏鼂公武典冊高文過繡虎京洛門庭
聚荀陸會稽里社疏支許我來寂寞叩元關授以金丹眞大
還偶顧清歌集鶯燕閒携佳茗話湖山同時二陶俱秀出風
義獨聞許樊澤公贈詩樊澤眞風義歌詩百感來一日常輕萬言試三冬已
課五經畢紫藤垂條風柳黃仇池未是楊難當花前巾舄並
方雅園林小景兼仇唐勿言科場風氣薄先後蜚英天祿閣
直聲公已震臺烏異政吾慚致神雀宣南渭北別離中身非

房杜師王通重過州門墓草宿藤陰井塌啼秋蛩日鈔百本
朱絲格大半飄零蟬蠹碧元珠已失餘片鱗十冊寶藏竟何
益公日記百餘本在子培所亡十之一存九十餘本出王某轉付蔡某竟不可究詰余收得十本皆晚年之筆無復前
之精數矣皎皎霜紈扇篋閒題襟猶憶在燕臺動搖寶月紅鸞影
太息秋風白燕才西巡遠過驪山驛從臣強半無顏色翻
幸公歸兜率天神仙不與人家國草堂靈在柯山隅側身東
望空踟躕大招賦罷靈修遠我亦當年宋大夫

疊前韻贈弢父

王郎匹馬趨秦川與我執手青門邊笠子蓋頭麻屨敝兩都
喬木愁烽煙至尊西狩非獵武躬奉慈闈避豺虎行京
絡繹百官來和議遷延十國許崑崙一水當潼關翠華日夜
謀東還御舟久次馬頰渡輦路威遲熊耳山中樞制草由

君出羅葛依然被恩澤內廷應奉難絲綸外集文章多簡畢
少年才調齊洪黃平揖卷施及兩當亟盼臺官用溫造可應
耶署老馮唐長安盛夏悲衫薄酌酒與君臨紫閣賢人久已
厄龍蛇故扇何心展蟬雀當年同在綬堂中誰是王門方子
通孫彥仲陶羹沈子敦鮑培散如雨惟我與君爲駟蚤有官俱滯
停年格科頭坐對南山碧夜傾竹葉消百憂日掃蓬蒿望三
益清秋扈趨風煙開期君再上昭王臺茂陵不勝秋雨歎漢
庭終愛凌雲才隴頭却望江南驛梅花子大金香色各携歸
夢到鱸鄉不屑浮名競蝸國我屋僻在城東隅君來共飯一
跼蹐東門舊是還鄉路記否賢哉二大夫

以渭桃分餉同人易五顧五有詩報謝戲荅

佳實美於花笑春新詩脆甚桃中人渭南五月仙果熟枝上

纍垂豐紅玉取實襲紙承以筐舁致百里薰風香摘時微鞠
到時軟紅霞滿口雲英漿沙苑甘瓜大如斗南湖玉琢花香
藕並在先生食料中六年管領仙霞久隱然敵國樹膠州直
以傭奴視豁口豁口抵亦有名冷笑東方食玉桃不歸金馬貽僚友
易五大篇崖蜜甜顧五小詩青子鹽大如一石蟠桃核小如
珀蠟櫻桃色其光糾縵意瑤瓊詩才都過孫濟甯濟甯作報雨早霞生
試律有其光多糾縵此意重瑤瓊明年念與桃花聽
瓊之句人以爲笑石甫以爲佳

顧五居南柳巷與夏編修鄰並夏典粵試去顧卽移居
其宅戲贈

移花兼蝶過南牆分取皇華使節光迭坐溫輿非夢寐得居
夏屋亦徜徉比鄰驚鴨無煩惱舊韻鑿廢有和章見田山薑移居詩
徙宅依然同巷陌兩家門戶映垂楊余居東柳巷

雨中荅顧五

屋漏痕深檢玉杯南鄰季雅錦箋回白楊巷接青楊巷今雨
來兼舊雨來已讓那邊吟白芒用大作家在那邊語極知當下熟黃梅
玉桃接引偷兒至任達深憐子敬才君移居被竊

顧和詩用詩鐘體戲荅

少年瀟灑愛持杯便了傳箋往復回爲想風前如玉立不愁
月盡有珠來是夕晦碧雲暮合陶潛柳綠雪宵吟王衍梅道光
稽詩人王衍梅有綠雪堂集見說粵閩工屬對隨宜游戲亦仙才聞會

疊前韻柬易顧兩君

渠渠夏屋安珊瑚誰是糟邱李萬回美酒可三百杯盡清吟
得雨五郎來地非白下還多柳天似江南始入梅聞道匡牀
虛翠被夜寒深念鄂君才

夜坐三疊韻遣興

均堂積水可流杯，玉溜聲中夜鵲回。
竹裏煎茶期客過，雨中停燭等詩來。
薄衾軟美休添絮，行路艱難抵食梅。
見古樂府不聽荷聲一年久，北池誰念碧雞才。

四疊韻調易五

悶對棋區泥茗杯，常奴那解侍方回。
橫河佳語偶然得，涼夜可人期不來。
井水有情都姓柳，遠山長蹙不關梅。
相思一寸鱸灰熱，莫笑樊南枉費才。

擬陳后山小放歌行二首

粉黛三千放出宮，長眉高髻各乘龍。
才人不合吟團扇，一世祇承長信中。

蛾眉謠詠豈能無，眾忌雲鬟別樣梳。
欽約琴心休放誕，人間

難得是相如

以關中之勝誇示同社

爲數關中景物餘漢唐曾是帝王家東湖濫濫聖人酒酒以
爲最東湖西嶽亭亭君子花指蓮花峯送客紅橋無限柳封侯青
水洲故也土最宜瓜雲如美女河如鏡不爾安能駐翠華

五疊韻荅芸子

莫問鼓祠竹琰杯新攀蘭芷楚江回萬言草草燈前寫百感
茫茫酒畔來未剷漢家千里草誰遺列國一枝梅班彪王命
從頭論的是人間未易才

六疊韻問晦之病

誰乞相如露一杯芙蓉闕下獻書回言如藥苦斲斲上吏甚
醫庸衰衰來會見液池興仆柳似聞商鼎夢調梅河魚小極

妨何事大用天教老此才